

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Broj: 05/7-39-1-158-13,1/23

Sarajevo, 6. 11. 2023.

18-12-2023

ZAPISNIK

13. sjednice Vijeća nacionalnih manjina BiH, održane 6. 11. 2023. u Kaknju

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Franjo Rover, Ernest Grin, Saša Mićin, Todorka Jovanović, Velibor Kuvač, Mujo Fafulić, Igor Kotjelnikov, Mihal Hemun, Danijel Štefek, Dragica Tešić, Hakan Varan, Violeta Džolan, Dejan Piotrovski i Miroslav Bobrek.

Odsustvo je pravdao Željko Vaško.

Sjednici su prisustvovali i: Ivana Lovrić, stručna savjetnica u Sektoru za druga parlamentarna tijela, Enver Bogučanin iz Sektora za odnose s javnošću Sekretarijata Parlamentarne skupštine BiH, Aleksandra Jarić, šefica Odsjeka za zaštitu prava i saradnju s nacionalnim i drugim manjinama, vjerskim zajednicama i nevladinim organizacijama iz Ministarstva za ljudska prava i izbjeglice BiH, i Vladana Savić, stručna savjetnica u Sektoru za druga parlamentarna tijela.

Za sjednicu je predložen sljedeći

DNEVNI RED

1. Razmatranje Prijedloga zapisnika 12. sjednice Vijeća nacionalnih manjina BiH;

2. Razmatranje izrade programa za promociju prava manjina BiH i saradnju s udruženjima nacionalnih manjina BiH (na sjednicu pozvani predstavnici Ministarstva za ljudska prava i izbjeglice BiH);
3. Informacija o dopisu upućenom Zajedničkoj komisiji za administrativne poslove PSBiH - molba za relociranje sredstava utvrđenih Odlukom o utvrđivanju troškova rada Vijeća nacionalnih manjina BiH;
4. Tekuća pitanja:
 - Inicijativa Centra za podršku Roma „Romalen“ Kakanj za uvođenje romskog jezika, s elementima kulture i historije Roma, u nastavni plan i program te da to bude jedna od mjera u Akcionom planu upućena Pedagoškom zavodu Zeničko-dobojskog kantona i Ministarstvu za obrazovanje, nauku, kulturu i sport Zeničko-dobojskog kantona.

Predsjedavajući Vijeća nacionalnih manjina zahvalio se članovima Vijeća koji su svojim prisustvom pružili podršku manifestaciji povodom Svjetskog dana romskog jezika, u okviru koje je upriličena postavka književnih djela Roma i Romkinja, kao i izlaganje o važnosti očuvanja jezika Roma.

Nakon uvodnih riječi predsjedavajućeg, dnevni red usvojen je jednoglasno.

Ad. 1. Razmatranje Prijedloga zapisnika 12. sjednice Vijeća nacionalnih manjina BiH

Nakon uvodnih napomena predsjedavajućeg, Zapisnik je jednoglasno usvojen.

Ad. 2. Razmatranje izrade programa za promociju prava manjina BiH i saradnju s udruženjima nacionalnih manjina BiH (na sjednicu pozvani predstavnici Ministarstva za ljudska prava i izbjeglice BiH)

U okviru ove tačke članovi Vijeća razmatrali su plan izrade programa za promociju prava manjina BiH i saradnju s udruženjima nacionalnih manjina BiH, koji je prezentirala Aleksandra Jarić, šefica

Odsjeka za zaštitu prava i saradnju s nacionalnim i drugim manjinama, vjerskim zajednicama i nevladinim organizacijama iz Ministarstva za ljudska prava i izbjeglice BiH.

Nakon rasprave u kojoj su stavove iznijeli Mujo Fafulić, Saša Mićin, Velibor Kuvač, Violeta Džolan, Miroslav Bobrek, Franjo Rover, Igor Kotjelnikov, Dragica Tešić, Ernest Grin i Dejan Piotrovski, članovi Vijeća zaključili su da će radnoj grupi za izradu programa za promociju prava manjina BiH koju će formirati Ministarstvo za ljudska prava i izbjeglice BiH predložiti inicijativu za uspostavljanje Dana nacionalnih manjina Bosne i Hercegovine. Također, usaglašeno je da nosilac organizacije i aktivnosti proslave Dana nacionalnih manjina svake godine bude jedna od 18 nacionalnih manjina u BiH.

Ad. 3. Informacija o dopisu upućenom Zajedničkoj komisiji za administrativne poslove PSBiH - molba za relociranje sredstava utvrđenih Odlukom o utvrđivanju troškova rada Vijeća nacionalnih manjina BiH

Franjo Rover informirao je prisutne o razgovorima koje je obavio s predsjedavajućim i sekretarom Zajedničke komisije za administrativne poslove PSBiH, sekretarom Ministarstva za ljudska prava i izbjeglice BiH i predstavnicima Misije OSCE-a u BiH.

U raspravi koja je uslijedila učestvovali su Mujo Fafulić, Franjo Rover, Saša Mićin, Velibor Kuvač, Dragica Tešić, Igor Kotjelnikov, Mihal Hemun, Miroslav Bobrek, Ernest Grin i Violeta Džolan.

Informacija o dopisu upućenom Zajedničkoj komisiji za administrativne poslove PSBiH, koja se odnosi na molbu za relociranje sredstava utvrđenih Odlukom o utvrđivanju troškova rada Vijeća nacionalnih manjina BiH primljena je k znanju.

Vijeće je odlučilo da relocirana sredstva iskoristi za organiziranje prve konferencije nacionalnih manjina u Bosni i Hercegovini, čiji će datum održavanja naknadno biti određen.

Dogovoreno je da članovi Vijeća do 10. novembra preciziraju koncept i program prve konferencije nacionalnih manjina u Bosni i Hercegovini na koju će biti pozvani predstavnici svih udruženja nacionalnih manjina u Bosni i Hercegovini.

Ad. 4. Tekuća pitanja:

- **Inicijativa Centra za podršku Roma „Romalen“ Kakanj za uvođenje romskog jezika, s elementima kulture i historije Roma, u nastavni plan i program te da to bude jedna od mjera u Akcionom planu upućena Pedagoškom zavodu Zeničko-dobojskog kantona i Ministarstvu za obrazovanje, nauku, kulturu i sport Zeničko-dobojskog kantona**

Vijeće nacionalnih manjina BiH jednoglasno je podržalo inicijativu Centra za podršku Roma „Romalen“ Kakanj za uvođenje romskog jezika, s elementima kulture i historije Roma, u nastavni plan i program osnovnih škola na području Zeničko-dobojskog kantona, uz zahtjev da, kao jedna od mjera u Akcionom planu, inicijativa bude upućena Pedagoškom zavodu Zeničko-dobojskog kantona i Ministarstvu za obrazovanje, nauku i kulturu Zeničko-dobojskog kantona.

- Franjo Rover informirao je prisutne o aktivnostima u okviru manifestacije „Dani nacionalnih manjina Republike Srpske“ koja će biti održana od 14. do 16. decembra 2023. u Prnjavoru, te pozvao članove Vijeća da prisustvuju obilježavanju ove manifestacije. Također, predložio je održavanje naredne sjednice Vijeća u Prnjavoru, 16. decembra 2023. godine.


Prijedlozi su prihvaćeni jednoglasno.

Naredna sjednica Vijeća planirana je za 16. decembar 2023. u Prnjavoru, s početkom u 17 sati.

Sjednica je završena u 18.20 sati.

**Stručna savjetnica u
Sektoru za druga parlamentarna tijela**

Vladana Savić



**Predsjedavajući
Vijeća nacionalnih manjina BiH**

Mujo Fafulić

